



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

26 մարտի 2024 թվական

ք.Երևան

ՀՀ Վճռաբեկ դատարանի նախագահին փոխարինող, ՀՀ Վճռաբեկ դատարանի քրեական պալատի նախագահ Համլետ Ասատրյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ ՄԴ/0065/01/22 (ՀԿԴ/0118/01/22) քրեական վարույթի ընդդատության հարցը լուծելու համար ՀՀ Վճռաբեկ դատարանն ուղարկելու մասին Արմավիրի մարզի առաջին ատյանի ընդհանուր իրավասության դատարանի՝ 2024 թվականի մարտի 19-ի որոշումը,

Պ Ա Ր Զ Ե Ց Ի Ն Ք

Վարույթի դատավարական նախապատմությունը.

1. 2022 թվականի օգոստոսի 19-ին Սյունիքի մարզի առաջին ատյանի ընդհանուր իրավասության դատարանում ստացվել է Լևոն Նորիկի Մելքոնյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգիրք) 178-րդ հոդվածի 3-րդ մասի 1-ին կետով, 190-րդ հոդվածի 3-րդ

մասի 1-ին կետով և 178-րդ հոդվածի 2-րդ մասի 2-րդ կետով թիվ 41106622 (ՄԴ/0065/01/22) քրեական վարույթը:

1.1. Սյունիքի մարզի առաջին ատյանի ընդհանուր իրավասության դատարանը 2022 թվականի օգոստոսի 22-ին որոշում է կայացրել թիվ ՄԴ/0065/01/22 քրեական վարույթը ստանձնելու և 2022 թվականի օգոստոսի 26-ին նախնական դատալսումներ նշանակելու մասին:

Սյունիքի մարզի առաջին ատյանի ընդհանուր իրավասության դատարանը 2022 թվականի օգոստոսի 26-ին որոշում է կայացրել քրեական վարույթն ըստ տարածքային ընդդատության Արմավիրի մարզի առաջին ատյանի ընդհանուր իրավասության դատարան փոխանցելու մասին:

1.2. Արմավիրի մարզի առաջին ատյանի ընդհանուր իրավասության դատարանը 2022 թվականի սեպտեմբերի 15-ին որոշում է կայացրել թիվ ՄԴ/0065/01/22 քրեական վարույթն ստանձնելու և 2022 թվականի սեպտեմբերի 20-ին նախնական դատալսումներ նշանակելու մասին:

Արմավիրի մարզի առաջին ատյանի ընդհանուր իրավասության դատարանը 2022 թվականի սեպտեմբերի 20-ին որոշում է կայացրել քրեական վարույթն ըստ առարկայական ընդդատության Հակակոռուպցիոն դատարան ուղարկելու մասին:

2. Հակակոռուպցիոն դատարանը 2022 թվականի սեպտեմբերի 26-ին որոշում է կայացրել թիվ ՀԿԴ/0118/01/22 (ՄԴ/0065/01/22) քրեական վարույթն ստանձնելու և հոկտեմբերի 4-ին նախնական դատալսումներ նշանակելու մասին:

Հակակոռուպցիոն դատարանը 2022 թվականի նոյեմբերի 18-ին որոշում է կայացրել թիվ ՀԿԴ/0118/01/22 քրեական վարույթով 2022 թվականի նոյեմբերի 30-ին հիմնական դատալսումներ նշանակելու մասին:

2.2. Հակակոռուպցիոն դատարանը 2024 թվականի փետրվարի 15-ին որոշում է կայացրել քրեական վարույթն ըստ առարկայական ընդդատության Արմավիրի մարզի առաջին ատյանի ընդհանուր իրավասության դատարան փոխանցելու մասին:

3. Արմավիրի մարզի առաջին ատյանի ընդհանուր իրավասության դատարանը 2024 թվականի մարտի 19-ին որոշում է կայացրել թիվ ՄԴ/0065/01/22 (ՀԿԴ/0118/01/22) քրեական վարույթը Վճռաբեկ դատարան ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2024 թվականի մարտի 20-ին:

Ընդդատության հարցը լուծելու համար էական նշանակություն ունեցող փաստական հանգամանքները.

4. 2022 թվականի հուլիսի 19-ի որոշմամբ Լևոն Նորիկի Մելքոնյանի վերաբերյալ ՀՀ քրեական օրենսգրքի 178 հոդվածի 3-րդ մասի 1-ին կետով, 190 հոդվածի 3-րդ մասի 1-ին կետով և 178 հոդվածի 2-րդ մասի 2-րդ կետով հանրային քրեական հետապնդում է հարուցվել այն բանի համար, որ «նա դեռևս ինքնությունը չպարզված մի խումբ անձանց հետ նախնական համաձայնությամբ և նրանց օժանդակությամբ՝ խմբի կազմում, ուրիշի առանձնապես խոշոր չափերով գույքը հափշտակելու միասնական դիտավորությամբ, մեկը մյուսի գործողությունները գիտակցելով և փոխլրացնելով, միմյանց խորհուրդներ, ցուցումներ, տեղեկարկություն ու գործիքներ տալով և տրամադրելով, ինչպես նաև խոչընդոտները վերացնելով հանցավոր ճանապարհով ֆինանսական միջոցներ ձեռք բերելու շահադիտական նպատակով խաբեությամբ և վտրահությունը չարաշահելով՝ խարդախության, եղանակով, 2020թ. օգոստոսի 1-ից մինչև 2021թ. սեպտեմբերի 4-ն ընկած ժամանակահատվածում հիմնականում 041-90-24-09, 041-45-51-12, 041-22-04-15, 041-80-70-57, 043-66-60-60, 044-80-89-08, 044-15-25-90, 091-17-92-90, 093-78-98-74, 093-02-28-51, 094-17-66-88, 055-32-22-03, 095-33-43-01, 077-94-41-11, 077-90-24-09, 077-34-31-11, 077-77-75-44, 099-63-63-46, 099-20-38-78, 099-77-55-15, 099-87-15-87, 033-91-91-08, 033-28-19-68 հեռախոսահամարներով հեռախոսակապ հաստատելով մի շարք ՀՀ քաղաքացիների հետ, հեռախոսագրույցի ժամանակ թաքցնելով իր իրական անուններն ու ներկայանալով իբրև լրագրող կամ որևէ նախարարության աշխատակից կամ մրերիմ կամ որևէ այլ՝ մրացածին անձ, զորամասում ծառայող զինվորին գումար փոխանցելու պատրվակով, իր կողմից այն հետագայում վերադարձնելու պայմանով, խեղաթյուրելով իրականությունը և հավար ու վտրահություն ներշնչելով տարբեր անձանցից հափշտակել է տարբեր, ընդհանուր՝ առանձնապես խոշոր չափերով՝ 10.807.000 ՀՀ դրամ գումար, որից հետո այն մաս առ մաս փոխանցել է այլ հաշիվների, այդ թվում նաև այլ անձանց անվամբ բացված, մասնավորապես

«ԻՌԱՄ» ՍՊ ընկերության «Իդրամ» ինտերնետ վճարային համակարգի 344451415, 703527929, 950941224, 657397832, 590951641, 326091483, 998874279, 938435188, 510448052, 180730617, 567593504 և 773677868 Իդրամ հաշվառման հաշիվներին, «Սոֆտ Կոնստրակտ» ՍՊ ընկերության 235657628, 233635956, 171661963 և 18016703 հաշվի համարներին, ինչպես նաև «Կարարկո» ՍՊ ընկերության 4582320, 3607170, 5026859, 5670869, 5680925 հաշվի համարներին՝ նպատակ ունենալով թաքցնել հափշտակված գումարների հանցավոր ծագումն ու փեղաշարժը (...)¹:

5. Հակակոռուպցիոն դատարանը 2024 թվականի փետրվարի 15-ի որոշմամբ արձանագրել է հետևյալը. «(...) Վերոգրյալ իրավական նորմերի համակարգային վերլուծության արդյունքում, հաշվի առնելով նաև այն հանգամանքը, որ Լևոն Նորիկի Մելքոնյանին ներկայացված մեղադրանքի համաձայն՝ վերջինիս կողմից ենթադրյալ փողերի լվացումը չի կատարվել իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով, ինչպես նաև այն, որ առկա չէ կողմի համաձայնությունը վարույթը շարունակելու վերաբերյալ, Դատարանը գտնում է, որ թիվ ՀԿԳ/0118/01/22 քրեական վարույթն ընդդարյալ չէ ՀՀ հակակոռուպցիոն դատարանին: Միևնույն ժամանակ, հիմք ընդունելով այն, որ Լևոն Նորիկի Մելքոնյանին ներկայացված մեղադրանքի համաձայն՝ վերջինիս կողմից Հայաստանի Հանրապետության փարսաձքում վերջին ենթադրյալ հանցանքը կատարվել է Արմավիրի մարզի Ամասիա բնակավայրում, այսինքն՝ Արմավիրի մարզի առաջին ատյանի ընդհանուր իրավասության դատարանի դատական փարսաձքում, ուստի Դատարանը գտնում է, որ թիվ ՀԿԳ/0118/01/22 վարույթն ընդդարյալ է Արմավիրի մարզի առաջին ատյանի ընդհանուր իրավասության դատարանին (...)²»:

6. Արմավիրի մարզի առաջին ատյանի ընդհանուր իրավասության դատարանը 2024 թվականի մարտի 19-ի որոշմամբ արձանագրել է հետևյալը. «(...) [Դ]ատարանն արձանագրում է հերկյալը՝

¹ Տե՛ս քրեական վարույթ, հատոր 33, թերթ 186-197:

² Տե՛ս քրեական վարույթ, հատոր 45, թերթեր 45-56:

- սույն քրեական գործով ՀՀ հակակոռուպցիոն դաւարանում թիվ ՀԿԴ/0118/01/22 համարի ներքո, 2022 թվականի նոյեմբերի 18-ին կայացած դաւարական նիստի ընթացքում անցում է կատարվել հիմնական դաւալսումների փուլ,

- ՀՀ հակակոռուպցիոն դաւարանի դաւալոր Վ.Սարգսյանի՝ 15.02.2024 թվականի որոշմամբ թիվ ՀԿԴ/0118/01/22 վարույթն ըստ ընդդաւարության փոխանցվել է ՀՀ Արմավիրի մարզի առաջին արջանի ընդհանուր իրավասության դաւարան՝ հիմք ընդունելով այն հանգամանքը, որ Լևոն Նորիկի Մելքոնյանին ներկայացված մեղադրանքի համաձայն՝ վերջինիս կողմից ենթադրյալ փողերի լվացումը չի կատարվել իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով, ինչպես նաև այն, որ առկա չէ կողմի համաձայնությունը վարույթը շարունակելու վերաբերյալ,

- «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված ՀՕ-31-Ն ՀՀ օրենքով կատարված փոփոխության արդյունքում ՀՀ քրեական օրենսգրքի 296-րդ հոդվածի 2-րդ մասի 1-ին կետով նախատեսված արարքն այլևս չի հանդիսանում կոռուպցիոն հանցանք և ընդգրկված չէ ՀՀ քրեական օրենսգրքի հավելված N 1-ում,

- կատարված փոփոխությամբ որևէ կարգավորում չի սահմանվել առ այն, թե արդյո՞ք այդ փոփոխությունը պետք է տարածվի ՀՀ հակակոռուպցիոն դաւարանում հիմնական դաւալսումների փուլում գրնվող նմանատիպ վարույթների վրա, այլ կերպ՝ արդյո՞ք այդ վարույթները ենթակա են վերաքաշիման, թե ոչ:

- ««Հայաստանի Հանրապետության դաւարական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ և 24-րդ մասերով սահմանվել է, որ ՀՀ առաջին արջանի ընդհանուր իրավասության դաւարանների վարույթում գրնվող կոռուպցիոն հանցագործությունների վերաբերյալ այն գործերը, որոնցով անցում է կատարվել դաւարանության փուլ, ենթակա չեն վերաքաշիման հակակոռուպցիոն դաւարանին: Համանման կարգավորում սահմանվել է նաև [1998 թվականի հուլիսի 01-ին ընդունված] «ՀՀ քրեական դաւարարության օրենսգրքում փոփոխություններ և լրացումներ կատարելու մասին 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասով: Այլ կերպ՝ ««Հայաստանի

Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով, ինչպես նաև [1998 թվականի հուլիսի 01-ին ընդունված] «ՀՀ քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքով լուծում է փրվել համանման իրավահարաբերությանը, ըստ որի՝ դատաքննության փուլ անցում կատարված լինելու դեպքում առաջին աստիճանի ընդհանուր իրավասության դատարանի վարույթում գրնվող վարույթի փոխանցումը Հակակոռուպցիոն դատարան իրավաչափ չէ:

- Ինչպես «Հայաստանի Հանրապետության դատական օրենսգիրք» սահմանադրական օրենքը, այնպես էլ ՀՀ քրեական դատավարության օրենսգիրքը չեն արգելում անալոգիայի կիրառումը, իսկ փվյալ պարագայում անալոգիայի կիրառումն անցանձ իրավունքները, ազատությունները չի սահմանափակում կամ նրանց համար նոր պարտականություն կամ պարասխանաբարություն չի նախատեսում:

3.4. Նախորդ կետում շարադրված փաստական հանգամանքների և պարճառարանությունների լույսի ներքո՝ Դատարանը գրնում է, որ ՀՀ Հակակոռուպցիոն դատարանը, թիվ ՀԿԴ/0118/01/22 (ՄԴ/0065/01/22) քրեական գործով հիմնական դատախազների փուլ անցում կատարած լինելու և «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված ՀՕ-31-Ն ՀՀ օրենքով գործն ըստ ընդդատության ուղարկելու վերաբերյալ որևէ կարգավորում նախատեսված չլինելու պայմաններում, իրավասու չէր թիվ ՀԿԴ/0118/01/22 (ՄԴ/0065/01/22) քրեական գործն ուղարկել առարկայական ընդդատությամբ: Ավելին՝ հակառակ մեկնարանման պայմաններում կարող է արեղծվել մի իրավիճակ, որ փարբեր ժամանակահատվածներում իրականացված օրենսդրական փոփոխությունների արդյունքում քրեական գործը անվերջ կարող է հայրնվել «շրջապարույրի» մեջ: Օրինակ՝ դատարանում ավարտական փուլում (դատական վիճարանություններ կամ եզրափակիչ ելույթներ) գրնվող քրեական գործը զուր օրենսդրական փոփոխություններից ելնելով առարկայական ընդդատությամբ ուղարկվի այլ դատարան, իսկ որոշ ժամանակ անց

նույն հիմնավորումներով վերադարձվի այն ուղարկած դատարան՝ անհնար դարձնելով ողջամիտ ժամկետներում գործի քննությունը՝ հանգեցնելով գործերի քննության որակի անկման:

3.5. Այսպիսով, Դատարանը հաշվի առնելով վերը նշված պարճատարանությունը, Վճռաբեկ դատարանի և Մարդու իրավունքների եվրոպական դատարանի արտահայտած իրավական դիրքորոշումները և ելնելով ընդդատության պահպանման վերը նշված պահանջներից ու պարզելով, որ սրացված գործն ընդդատյա չէ ՀՀ Արմավիրի մարզի առաջին ատյանի ընդհանուր իրավասության դատարանին, գրնում է, որ թիվ ՄԴ/0065/01/22 քրեական գործով վարույթը պերք է ուղարկել ՀՀ վճռաբեկ դատարան՝ վարույթի առարկայակն ընդդատության հեր համաձայն չլինելու հիմքով (...)³:

Սույն որոշման հիմնավորումները և եզրահանգումը.

7. Սույն վարույթով բարձրացված իրավական հարցը հետևյալն է. հիմնավո՞ր է արդյոք Արմավիրի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ՄԴ/0065/01/22 (ՀԿԴ/0118/01/22) քրեական վարույթը ենթակա չէր փոխանցման առաջին ատյանի ընդհանուր իրավասության դատարան:

8. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

9.1. Մարդու իրավունքների եվրոպական դատարանը, «օրենքի հիման վրա սրեղծված դատարան» հասկացությունը մեկնաբանելիս նշել է. «Այն երկրներում,

³ Տե՛ս քրեական վարույթ, հատոր 46, թերթեր 150-159:

որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապատասխան ազգային օրենսդրությունը մեկնաբանելու որոշակի ազատությամբ»⁴:

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ. «Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:

10. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ. «(...) Գործերի պարզաձև ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա արեղծված դատարան ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պարզաձև ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ կանոնների առկայությունը և դրանց կանխապետելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ փյալ կոնկրետ քրեական գործը քննող դատարանը և դատավորը

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

նախապրամանադրվածություն չունեն, և Կրկյալ գործը վարույթ ընդունելիս սուբյեկտիվիզմն ու կամայականությունը բացառված են եղել:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարբերադիր նախապայման են արդարադատության մատչելիության պարզաձև երաշխավորման համար (...)⁶:

11. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Ընդդատության կանոնները կոչված են անձին զերծ պահելու դատական շրջապտույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառաբանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

Անհրաժեշտ է ընդգծել, որ վարույթն ըստ ընդդատության փոխանցելիս, չպետք է դրսևորվի չափազանց ձևական մոտեցում, և պետք է հաշվի առնվի նաև արդարադատության շահը:

12. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ *«Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին (այսուհետ՝ առաջին արյանի ընդհանուր իրավասության դատարան) ընդդատյա են առաջին արյանի կարգով իրականացվող բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ վարույթների, որոնք ընդդատյա են հակակոռուպցիոն դատարանին»:*

⁶ Տե՛ս Վճռաբեկ դատարանի՝ *Քնորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

ՀՀ քրեական դատավարության օրենսգրքի 263-րդ հոդվածի համաձայն՝
 «1. Նախնական դատալսումների ընթացքում պարզելով, որ տվյալ վարույթն
 ընդդարյալ չէ իրեն, դատարանն այն որոշմամբ անհապաղ փոխանցում է ըստ
 ընդդարույթյան:

(...)

5. Վարույթն ըստ ընդդարույթյան սրացած հակակոռուպցիոն կամ առաջին
 արյանի ընդհանուր իրավասության դատարանը մինչև նախնական դատալսումներ
 նշանակելը եռօրյա ժամկետում որոշում է կայացնում վարույթը Վճռաբեկ դատարան
 ուղարկելու մասին, եթե համաձայն չէ դրա առարկայական ընդդարույթյանը:

(...)

8. Սույն հոդվածի 5-րդ մասով նախատեսված դեպքում Վճռաբեկ դատարանի
 նախագահը, Վճռաբեկ դատարանի քրեական և հակակոռուպցիոն պալատների
 նախագահները վարույթը Վճռաբեկ դատարանում սրանալու պահից տասնօրյա
 ժամկետում վերջնականապես լուծում են վարույթի առարկայական ընդդարույթյան
 հարցը՝ ընդհանուր թվի ձայների մեծամասնությամբ ընդունված որոշմամբ:
 Քվեարկելիս ձեռնպահ մնալ չի թույլատրվում:

9. Սույն հոդվածով սահմանված կարգով որոշված դատարանը համարվում է
 իրավասու դատարան»:

12.1. «ՀՀ քրեական օրենսգրքում լրացումներ և փոփոխություններ կատարելու
 մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի
 համաձայն՝ «Օրենսգրքի հավելված N 1-ում՝

1) «Հոդված 296. Փողերի լվացումը» բառերը փոխարինել «Հոդված 296. 3-րդ
 մաս, 2-րդ կետ. Փողերի լվացումը՝ իշխանական կամ ծառայողական
 լիազորությունները կամ դրանցով պայմանավորված ազդեցությունն
 օգտագործելով» բառերով (...):»:

«Հայաստանի Հանրապետության դատական օրենսգիրք» սահմանադրական
 օրենքում լրացումներ և փոփոխություններ կատարելու մասին» ՀՕ-331-Ն ՀՀ
 սահմանադրական օրենքի 19-րդ հոդվածի 23-րդ և 24-րդ մասերի համաձայն՝
 «23. (...) Հայաստանի Հանրապետության առաջին արյանի ընդհանուր
 իրավասության դատարաններին ենթակա (...) կոռուպցիոն հանցագործությունների

վերաբերյալ գործերը վերաբաշխվում են հակակոռուպցիոն դատարանի համապատասխան մասնագիտացում ունեցող դատավորների միջև, բացառությամբ սույն հոդվածի 24-րդ մասով սահմանված դեպքի:

24. Հայաստանի Հանրապետության առաջին արյանի ընդհանուր իրավասության դատարանների վարույթում գրնվող՝ սույն մասով նախատեսված գործերը ենթակա չեն վերաբաշխման հակակոռուպցիոն դատարանին, եթե տվյալ գործով անցում է կատարվել դատաքննության փուլ»:

«Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասի համաձայն՝ «Սույն օրենքն ուժի մեջ մտնելուց հետո Հայաստանի Հանրապետության առաջին արյանի ընդհանուր իրավասության դատարանների վարույթում գրնվող կոռուպցիոն հանցագործությունների վերաբերյալ գործերը վերաբաշխվում են հակակոռուպցիոն դատարանի դատավորների միջև, եթե տվյալ գործերով անցում չի կատարվել դատաքննության փուլ»:

12.2. «Նորմատիվ իրավական ակտերի մասին» ՀՀ օրենքի 39-րդ հոդվածի համաձայն՝ «1. Եթե օրենսդրության մեջ բացակայում է կոնկրետ հասարակական հարաբերությունը կարգավորող իրավական նորմը, սակայն օրենսդրությամբ սահմանված է համանման հարաբերությունները կարգավորող այլ իրավական նորմ, ապա այդպիսի հարաբերությունների նկատմամբ (եթե դա չի հակասում դրանց էությանը) կիրառվում են համանման հարաբերություններ կարգավորող իրավական նորմերը (օրենքի անսլոգիա): (...):

3. Օրենքի կամ իրավունքի անսլոգիա չի կարող կիրառվել, եթե դրանով սահմանափակվում են անձանց իրավունքները, ազատությունները, կամ նրանց համար նախատեսվում է նոր պարտականություն կամ պարասխանաբարություն, կամ խտրացվում են նրանց նկատմամբ կիրառվող պարասխանաբարության, հարկադրանքի միջոցները կամ դրանց կիրառման կարգը, հարկերի, տուրքերի և այլ պարտադիր վճարների վճարման կարգը, անձանց գործունեության նկատմամբ հսկողություն ու վերահսկողություն իրականացնելու պայմանները և կարգը:

4. *Օրենքի անսալոգիան և իրավունքի անսալոգիան կարող են կիրառվել միայն, եթե փոխառված օրենքով չի արգելվում անսալոգիայի կիրառումը»:*

13. Նշված նորմերի համակարգային վերլուծությունից հետևում է, որ «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված ՀՕ-31-Ն ՀՀ օրենքով կատարված փոփոխության արդյունքում 2021 թվականի մայիսի 5-ին ընդունված ՀՀ քրեական օրենսգրքի 296-րդ հոդվածի 3-րդ մասի 1-ին և 3-րդ կետերով (համապատասխանում է 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածին) նախատեսված հանցանքներն այլևս չեն հանդիսանում կոռուպցիոն բնույթի և ընդգրկված չեն ՀՀ քրեական օրենսգրքի հավելված N 1-ում, հետևաբար դրա վերաբերյալ վարույթներն ընդդատյա են առաջին ատյանի ընդհանուր իրավասության դատարանին: Սակայն, կատարված փոփոխությամբ որևէ կարգավորում չի սահմանվել առ այն, թե արդյո՞ք այդ փոփոխությունը պետք է տարածվի Հակակոռուպցիոն դատարանում դատաքննության փուլում գտնվող նմանատիպ վարույթների վրա, այլ կերպ՝ արդյո՞ք այդ վարույթները ենթակա են վերաքաշխման, թե ոչ:

Այդուհանդերձ, դեռևս 2021 թվականի ապրիլի 14-ին ընդունված ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ և 24-րդ մասերով, ինչպես նաև «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասով սահմանվել է, որ ՀՀ առաջին ատյանի ընդհանուր իրավասության դատարանների վարույթում գտնվող կոռուպցիոն հանցագործությունների վերաբերյալ այն գործերը, որոնցով **անցում է կատարվել դատաքննության փուլ, ենթակա չեն վերաքաշխման հակակոռուպցիոն դատարանին:** Այսինքն, ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով, ինչպես նաև «Հայաստանի Հանրապետության քրեական դատավարության օրենսգրքում փոփոխություններ և

լրացումներ կատարելու մասին» ՀՕ-333-Ն օրենքով լուծում է տրվել համանման իրավահարաբերությանը, ըստ որի՝ դատաքննության փուլ անցում կատարված լինելու դեպքում առաջին ատյանի ընդհանուր իրավասության դատարանի վարույթում գտնվող վարույթի փոխանցումը Հակակոռուպցիոն դատարան իրավաչափ չէ:

13.1. Հաշվի առնելով, որ ինչպես «Հայաստանի Հանրապետության դատական օրենսգիրք» սահմանադրական օրենքը, այնպես էլ ՀՀ քրեական դատավարության օրենսգիրքը չեն արգելում անալոգիայի կիրառումը, ինչպես նաև այն, որ տվյալ պարագայում անալոգիայի կիրառումն անձանց իրավունքները, ազատությունները չի սահմանափակում կամ նրանց համար նոր պարտականություն կամ պատասխանատվություն չի նախատեսում՝ գտնում ենք, որ Հակակոռուպցիոն դատարանների վարույթում գտնվող՝ «ՀՀ քրեական օրենսգրքում փոփոխություններ և լրացումներ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի հիման վրա առաջին ատյանի ընդհանուր իրավասության դատարաններին ընդդատյա վարույթների վերաբաշխման հարցը պետք է լուծվի ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն օրենքի 19-րդ հոդվածի 23-րդ և 24-րդ մասերին և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքի 7-րդ հոդվածի 2-րդ մասին համահունչ: Այլ կերպ՝ այն վարույթները, որոնցով Հակակոռուպցիոն դատարանն անցում է կատարել դատաքննության (հիմնական դատալսումների) փուլ, ենթակա չեն վերաբաշխման առաջին ատյանի ընդհանուր իրավասության դատարանին:

14. Սույն վարույթի նյութերի ուսումնասիրությունից երևում է, որ՝

- Հակակոռուպցիոն դատարանը 2022 թվականի նոյեմբերի 30-ին կայացած դատական նիստի ընթացքում անցում է կատարել հիմնական դատալսումների փուլ⁷:
- Հակակոռուպցիոն դատարանը, փաստելով, որ Լևոն Մելքոնյանին ներկայացված մեղադրանքի համաձայն՝ վերջինիս կողմից ենթադրյալ փողերի

⁷ Տե՛ս քրեական վարույթ, հատոր 43, թերթեր 18-21:

լվացումը չի կատարվել «իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով», ինչպես նաև այն, որ առկա չէ կողմի համաձայնությունը վարույթը շարունակելու վերաբերյալ, որոշում է կայացրել վարույթն ըստ ընդդատության Արմավիրի մարզի առաջին ատյանի ընդհանուր իրավասության դատարան փոխանցելու մասին⁸:

- Արմավիրի մարզի առաջին ատյանի ընդհանուր իրավասության դատարանը գտել է, որ Հակակոռուպցիոն դատարանը, սույն քրեական գործով հիմնական դատալսումների փուլ անցում կատարած լինելու և «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված ՀՕ-31-Ն ՀՀ օրենքով գործն ըստ ընդդատության ուղարկելու վերաբերյալ որևէ կարգավորում նախատեսված չլինելու պայմաններում, իրավասու չէր թիվ քրեական գործն ուղարկել ըստ առարկայական ընդդատության⁹:

15. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ «Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքով նախատեսված իրավակարգավորումների լույսի ներքո, թիվ ՍԴ/0065/01/22 (ՀԿԴ/0118/01/22) քրեական վարույթը ենթակա չէր վերաբաշխման առաջին ատյանի ընդհանուր իրավասության դատարանին, քանի որ սույն վարույթով Հակակոռուպցիոն դատարանն անցում է կատարել հիմնական դատալսումների փուլ:

16. Վերոշարադրյալը հիմք է տալիս փաստելու, որ Արմավիրի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ՍԴ/0065/01/22 (ՀԿԴ/0118/01/22) քրեական վարույթը ենթակա չէր փոխանցման առաջին ատյանի ընդհանուր իրավասության դատարան, հիմնավոր է:

⁸ Տե՛ս սույն որոշման 5-րդ կետը:

⁹ Տե՛ս սույն որոշման 6-րդ կետը:

17. Վերոգրյալի հիման վրա, ինչպես նաև, ելնելով արդարադատության շահի պաշտպանության և վարույթի արդարացիության ապահովման՝ ողջամիտ ժամկետում քննության անհրաժեշտությունից, գտնում ենք, որ թիվ ՍԴ/0065/01/22 (ՀԿԴ/0118/01/22) քրեական վարույթն ընդդատյա է Հակակոռուպցիոն դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

Ո Ր Ո Շ Ե Ց Ի Ն Ք

Լևոն Նորիկի Մելքոնյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 178-րդ հոդվածի 3-րդ մասի 1-ին կետով, 190-րդ հոդվածի 3-րդ մասի 1-ին կետով և 178-րդ հոդվածի 2-րդ մասի 2-րդ կետով թիվ ՍԴ/0065/01/22 (ՀԿԴ/0118/01/22) քրեական վարույթն ընդդատյա է Հակակոռուպցիոն դատարանին:

**ՀՀ ՎՃՌԱԲԵԿ ԴԱՏԱՐԱՆԻ
ՆԱԽԱԳԱՀԻՆ ՓՈԽԱՐԻՆՈՂ,
ՀՀ ՎՃՌԱԲԵԿ ԴԱՏԱՐԱՆԻ
ՔՐԵԱԿԱՆ ՊԱԼԱՏԻ ՆԱԽԱԳԱՀ
ՀԱՄԼԵՏ ԱՍԱՏՐՅԱՆ**

**ՀՀ ՎՃՌԱԲԵԿ ԴԱՏԱՐԱՆԻ
ՀԱԿԱԿՈՌՈՒՊՑԻՈՆ ՊԱԼԱՏԻ
ՆԱԽԱԳԱՀ
ԱՐԹՈՒՐ ԴԱՎԹՅԱՆ**